

## Du jietna váikkuha!

Sotnabeaivvi čakčamánu 15. beaivvi 2013 leat girkoválggat ja dus lea jienastanriekti. Dá lea du jienastangoarta.

Geat galget oažžut du luohttámuša váldit dehálaš mearrádusaid boahhte njeallje jagi?

Dát guoská searvegotti doibmii ja ollislaš mearrádusaide olles Ruota girkus. Movt du girkomáksu galgá geavahuvvot?

Makkár doaimmat galget leat doppe gos don orut? Makkár oaiviliid girku galgá atnit? Váldde vejolašvuoda váikkuhit.

Bures boahthin jienastit girkoválggain!

## Jienastangoarta

Ovttas dáinna čállosiin don leat maid ožžon jienastangoarttat. Váldde mielde dan go galggat jienastit.

## Gean sáhtát jienastit?

Girkoválggain don jienastat nammadanjoavkkuid ja sin evttohasaid. Girkoválggain nammadanjoavkkut vástidit almmolaš válggaid bellodagaid. Joavkkut ieža juhket dieđuid áigumušaidis birra. Listtut buot nammadanjoavkkuin ja sin evttohasain gávdnojit ruovttusiiddus [www.svenskakyrkan.se/kyrkoval](http://www.svenskakyrkan.se/kyrkoval). Don sáhtát maid hupmat iežat searvegottiin.

## Persovdnajietna golmma evttohassii

Don sáhtát addit persovdnajiena golmma evttohassii go bijat ruossa sidjiide válgalihpus. Ruossa addá evttohassii vejolašvuoda válljejuvvot ja oažžot ovddastit du. Jos it bija ruossa ovttaga evttohassii du jietna doarju nammadanjoavkku. De eai rehkenasto persovdnajienat.

## Gos ja goas sáhtát jienastit?

Gaskal čakčamánu 2. ja 11. beivviid sáhtát miehtá riikka ovdalgihtii jienastit dasa oaivvilduvvon searvegoddedoaimmahagain. Sáhtát maid jienastit reivve bakte, mii lea molsueaktu omd. jos orut olgoriikkas. Sáhttet maid leat sierra jietnavuostáiváldinbáikkít. Válgabeaivvi čakčamánu 15. beaivvi sáhtát jienastit iežat válgalanjas dehe sierra jietnavuostáiváldinbáikkiin. Eanet dieđuid gávnnat iežat jienastangoarttas.

## Láhppon jienastangoarta?

Jos leat láhppán iežat jienastangoartta sáhtát váldit aktavuoda iežat searvegottiin. Sáhtát maid diŋgot odđa goartta ruovttusiiddus [www.svenskakyrkan.se/kyrkoval](http://www.svenskakyrkan.se/kyrkoval) dehe Ruota girku diehtujuohkinbálvalusas, telefodna 018-16 96 00. Jienastangoarta sáddejuvvo dan čujuhussii gosa leat čálihuovvon. Odđa jienastangoarta sáhtá maid fáksejuvvot Ruota girku olgoriikkasearvegottiide.

## Movt manne válggat?

Mannjel go válgalanjat leat giddejuvvon almmuhuvvojit ruovttusiiddus [www.svenskakyrkan.se/kyrkoval](http://www.svenskakyrkan.se/kyrkoval) gaskaboddosaš bohtosat dađi mielde go jienat rehkenastojuvvojit. Delle eai leat rehkenastán persovdnajienaid.

Loahpalaš bohtosat almmuhuvvojit seamma sajis go bismágottit leat dárkkistan visot jienaid.

## Jienasteapmi

Girkoválggain sáhtát jienastit golmma válggain; girku áirrasgoddái, bismágotti áirrasgoddái ja girkočoahkkimii. Das geas lea jienastanriekti Göteborga girkolaš searvegoddeovttastussii jienasta maid searvegoddeovttastussii, oktii buot njealji válggain. Du jietna váikkuha movt Ruota girku stivrejuvvo báikkálaččat, guovllulaččat ja sisriikkalaččat.

## VÁLGGAT GIRKU ÁIRRASGODDÁI – DU BÁIKKÁLAŠ VÁLGGAT

Don válljet girku áirrasgoddái iežat searvegottis dehe, jos du searvegoddi ovttasbargá iežá searvegottiiguin, girku áirrasgoddái du pastoráhtas. Girku áirrasgoddi mearrida doaimmaid mat čadahuvvojit du lahkosis. Ovdamearka dihte makkár lágan nuoraid- ja mánáiddoalut galget leat searvegottis dehe movt hábmet lávlunjoavko- ja konseartadoaimmaid. *Vilges válgalihput.*

## VÁLGGAT BISMÁGODDÁI – GUOVLLULAŠ

Ruota girku lea juhkkuojuvvon 13 bismágoddái. Bismágotti áirrasgoddi lea bismágotti alimus mearrideaddji orgána. Bismágotti ovddimus bargu lea geavahit dan earenomáš máhtu mii das lea mánggain surggiin doarjut searvegottiid jođihit sin doaimmaid ja hálldahusa. Ovdamearka dihte girkoantikvariáhtalaš áššiin go galgá divuhit girku. *Rosa válgalihput.*

## VÁLGGAT GIRKOČOAHKKIMII – SISRIKKALAČČAT

Girkočoahkkin lea Ruota girku alimus mearrideaddji orgána 251 áirasiin. Dás mearriduvvojit girku aktasaš ja oppalaš áššit. Girkučoahkkin mearrida omd. movt girku galgá bargat dálkkádatáššiin ja makkár sálmmat galget leat sálbmagirjjis. *Fiskes válgalihput.*

## VÁLGGAT SEARVEGODDÁI JA SEARVEGODDEOVTTASTUSSII – GÖTEBORGAS

Göteborga girkolaš searvegoddeovttastusas juhkkovuođit dat ovddasvástádušat mat čilgejuvvojit dás badjelis *Válggat girku áirrasgoddái – du báikkálaš válggat* čuoggá vuolde gaskal Göteborga girkolaš searvegoddeovttastusa áirrasgotti ja girku áirrasgotti dain searvegottiin mat gullojit searvegoddeovttastussii.

Girku áirrasgoddái Göteborga girkolaš searvegoddeovttastusas mearrida earret eará ekonomii- ja giddodatáššiid birra. Don gii orut Göteborgas sáhtát dán jagi válggain jienastit njealji válggain. *Ruoná válgalihput* leat válggaide girku áirrasgoddái searvegottis ja *vilges válgalihput* leat válggaide girku áirrasgoddái searvegoddeovttastusas (jos don háliidat jienastit reivve bakte sáhtát oažžut ruoná válgalihpu ja liige váлгаolgoža ea.ea. Göteborga bismágottis).

### Háliidat go diehtit eanet?

Ruovttusiiddus [www.svenskakyrkan.se/kyrkoval](http://www.svenskakyrkan.se/kyrkoval) gávnnat dieđuid álkes ruotagillii, suoma-, davvisáme-, oarjelsáme-, julevsáme-, románi-, meänkieli-, engelaš-, ránskka-, duiskka-, áraba-, spánska- ja seavagillii. Lohkkojuvvon dieđuid ruotagillii sáhtát viežžat jietnafiilan dehe diŋgot cd:as Ruota girku diehtujuohkinbálvalusas, telefodna 018-16 96 00 dehe e-boasttain čujuhusas [info@svenskakyrcan.se](mailto:info@svenskakyrcan.se). Sáhtát váldit aktavuoda iežat searvegottiin dehe ruovttusiiddus [www.svenskakyrkan.se/kyrkoval](http://www.svenskakyrkan.se/kyrkoval) viežžat eanet dieđuid.

## RUOTA GIRKUS LEA SADJI BUOHKAIDE

Ruota girku gávdnu miehtá riikka ja lea rabas álbmotgirku gos buohkaide lea sadji.

## EALLI LANJAT

Miehtá Ruota gávdnojit sullii 3 400 girku. Dat leat earenomáš ráhkkanusat , divrras kulturárbbit ja ealli lanjat rohkadallamii, jaskatvuhtii, vuoinjasteapmái, aktasašvuhtii lávlomii ja musihkkii.

## GIRKU ÁRGABEAIVVIS

Miellahttun beasat leat mielde váikkuheame Ruota girku beaivválaš bargguide mat gusket omd. lávlunjoavkkuide, heahtedoarjagiidda, buohcceviessogirkuide, bearašráđdeaddimii ja mánáid- ja nuoraiddoaluide.

### EALLIMA DÁHPÁHUSAT

Girkus mii gávnnadit dalle go dáhpáhuvvá juoga dehálaš dego gásttaheapmi, rihpaskuvla, vihaheapmi ja hávdádeapmi.

### OSKKU JA EAHPIDEAPMI

Ruota girku fállá birrasa gos mii beassat gávnnadit, juohkit osku ja eahpideami ja lahkanišgoahtit Ipmila.

### RIIKKAIDGASKASAŠ BARGU

Ruota girku bargá ovttas girkuiguin ja organisašuvnnaiguin miehtá máilmmi oaččuhit vuoiggalaš máilmmi mas ii leat nealgi, geafivuohta ja vealaheapmi. Ovttas mii dahkat earu!

### DOARJJA ROASUID JA KATASTROFAID AKTAVUOĐAS

Ruota girku bargit leat mielde doarjjan go lihkuhisvuodat, roasut ja katastrofat leat dáhpáhuvvan sihke olgoriikkas ja Ruotas.

### ČOAHKKANANBÁIKKIT RUOŦAS JA OLGORIKKAS

Ruota girku čohke olbmuid sihke Ruotas ja olgoriikkas geassegirkun, duottargirkun, buohcceviessogirkun, skuvlagirkun, geaidnogirkun, olgoriikkagirkon ja diedusge dábálaš searvegoddin doppe gos don orut.

### Dá lea du jienastangoarta

Sotnabeaivvi čakčamánu 15. beaivvi leat girkoválggat Ruota girkus. Dalle dus lea vejolašvuohta jienastit daid joavkkuid ja olbmuid geat galget leat mielde ja mearridit girku eallima ja doaimmaid boahhte njeallje jagi. Geat galget oažžut du luohttámuša?

Bures boahthin jienastit girkoválggain!